



Capel y Tabernacl



Rhagfyr 3ydd, 2017



**Mae croeso arbennig i ymwelwyr a ffrindiau sydd wedi ymuno â ni.** Arweinir yr oedfa heddiw gan aelodau Creigiau. Diolch iddyn nhw am eu paratodau. Cynhelir cymundeb yn ystod yr oedfa, ac mae croeso i bawb gymuno gyda ni.

### Y SULIAU NESAF

**Rhagfyr 10fed** – Y Parchg Aled Edwards gyda Ann Griffiths

**Rhagfyr 17** – Cwrdd Nadolig Plant yr Ysgol Sul a'r Twmiaid

**Rhagfyr 24 – Bore Cwrdd Carolau a cherddi** i'r teulu cyfan yn y bore. Plîs dewch ag ambell hen anrheg gyda chi, i'w rhoi i elusen a chreu lle yn eich cartref – rhag ofn y daw y dyn mewn coch yn ystod y nos!

ac am **11 y Nos, oedfa pawb** i ddod a'i eitem.....

**Rhagfyr 31** – Keith Rowlands a Geraint Wyn  
**Ionawr 7 2018** - Oedfa Pentref Pentyrch, gydag Emlyn yn cydlynu

**Ionawr 14** – Eirian

**Ionawr 21** – Sul i'r Teulu

**Ionawr 28ain** – Y Parchg. Gethin Rhys

**Chwefror 4ydd** – oedfa bentref Tonteg a Phentre'r Eglwys

### ELUSENNAU 2017

#### CASGLIAD ARBENNIG

Dros fisoedd Tachwedd a Rhagfyr, fe fydd y Gweithgor Cyfiawnder Cymdeithasol yn casglu dillad a dillad isaf yn benodol ar gyfer pobl ifanc 13–16 oed a chanddynt anghenion arbennig ac sy'n derbyn gofal ysbeidiol. Os medrwch gyfrannu i'r casgliad arbennig hwn, gofynnwn i chi labelu'r bagiau'n glir – **merch/bachgen** ac **oedran** – cyn eu gadael yn y lle arferol yn llofft y capel. Bydd hyn yn osgoi cymysgu gyda'r casgliad ar gyfer Adref.

#### TALEBAU NADOLIG

Eleni eto, ar drothwy'r Nadolig, byddwn yn casglu arian ar gyfer talebau i bobl ifanc sy'n gadael gofal. Bydd Gill Rees neu Eleri Jones yn filch iawn i dderbyn eich cyfraniadau.

### ELUSENNAU 2017 #5

#### CYMORTH I FERCHED, CYMRU

**Mae'r elusen hon yn gweithio i ddileu trais yn cartref a phob math o drais yn erbyn menwyod, ac yn darparu cyngor emosynol ac ymarferol i fenywod a phlant sydd wedi neu yn dioddef unrhyw fath o gamdriniaeth, a llety dros dro diogel pan fo angen. Mae'r gwasanaeth yn gyfrinachol, yn anfeirniadol ac am ddim. Defnyddiwch yr amlenni brown I ddangos eich cefnogaeth. Diolch.**

**Mae crynodeb am yr elusennau amlenni brown ar ein gwefan**

[www.tabernacl.org](http://www.tabernacl.org)



### Merched y Tabernacl

**Bore Gwener Rhagfyr 8fed am 10.30**  
**yn y Ganolfan**

Bore coffi i drafod rhaglen blwyddyn nesa!

Dewch a'ch syniadau os gwelwch yn dda ac mae croeso cynnes fel arfer i aelodau newydd i ymuno â ni.

## Cyfarwyddwyr ac Ymddiriedolwyr Newydd

Estynnwn ein llongyfarchiadau a'n dymuniadau gorau i Rhiannon Llewelyn, Siân Llewelyn Barnes, Arwyn Lloyd Jones ac Eluned Davies-Scott a enwebwyd yn y Cyfarfod Cyffredinol Blynyddol 2017 i wasanaethu ar Fwrdd y Cyfarwyddwyr am dymor o dair blynedd. Arwyn Lloyd Jones fydd yn olynu Keith Rowlands fel Trysorydd wedi iddo ymdeol ar ddiwedd y flwyddyn. Yn ystod y cyfarfod diolchwyd yn ffurfiol i Keith am ei holl waith cywir a chydwybodol am gyfnod o ddeng mlynedd, a thalwyd diolch hefyd i Wendy Reynolds am ei harweiniad doeth ac urddasol wrth i'w thymor hithau fel Cadeirydd y Bwrdd ddod i ben wedi dwy flynedd. Bydd adroddiad llawnach o'r cwrdd blynyddol i'w weld yn rhifyn Ionawr 2018 o *Tafod y Tab*.

### Tafod y Tab

Daeth yn amser paratoi'r rhifyn nesaf o *Tafod y Tab* i'w gyhoeddi ddiwedd Ionawr. Mae croeso i unrhyw aelod anfon erthyglau / newyddion / lluniau / cyhoeddiadau i'w cynnwys y tro hwn. Rydym yn anfon atoch mewn da bryd i chi gael casglu deunydd ynghanol prysurdeb tymor y Nadolig. Anfonwch yn syth ar ôl y gwyliau, os gwelwch yn dda, *ac ar yr hwyrfa erbyn 7 Ionawr, 2018* at [gehpengwern@yahoo.co.uk](mailto:gehpengwern@yahoo.co.uk)

### Rhagfyr 16

#### Ffair Nadolig y Pentref

Cynhelir y Ffair yn Neuadd y Pentref a Chanolfan y Capel ar Sadwrn 16 Rhagfyr o 10 y bore i 2 y pnawn. Mae Caroline Rees yn apelio am gymorth ar y dydd. Plis cysylltwch ar [carolinerees2@hotmail.com](mailto:carolinerees2@hotmail.com)

Yn y nos, noson o ganu nadoligaidd Cymraeg gyda HuwM a chast o offerynwyr yn y Carpenters

**Cofiwch am wybodaeth, ewch at y**

**wefan, [www.tabernacl.org](http://www.tabernacl.org)**

**neu Gwilym Huws: 07710 237327**

**[gehpengwern@yahoo.co.uk](mailto:gehpengwern@yahoo.co.uk)**

**[Cyhoeddiadau at geraintrees@hotmail.com](mailto:geraintrees@hotmail.com)**

## Rhy Hwyr!

**Mae Ann Rees wedi gwerthu'r holl gardiau Nadolig Cymorth Cristnogol !**

### Project Bwydo Lesotho

**Ar ddiwedd yr oedfa, cynhelir casgliad arbennig ar gyfer ein cynllun bwydo yn Lesotho.**



Cofiwch y gallwch adael eitemau i'r cartref a dillad i Adref yn llofft y capel. Diolch.

### BANC BWYD

Diolch i bawb fu'n helpu gyda chasgliad y banc bwyd yn Tesco dros y tridiau diwethaf

### Calendr Adfent Sha Nôl

Beth am ymuno gyda Teulu Twm.

Cymrwch focs cardbord ac am y 25

niwrnod nesaf rhowch eitem fwyd yn y

bocs fel bo 25 eitem ar gael i fynd at y

banc bwyd am y Dolig!

Galle fe gostio llai i chi nag ambell galendr

adfent hefyd .....



### Gweddi'r Adfent

Dduw'r Adfent, tyrd i'n cyfarfod wrth inni wynebu tywyllwch y byd, a bydd gyda ni ar ein taith tuag at oleuni dy gariad.

Dyro inni'r dewrder i fynd i fannau tywyll yr anialwch a gwranddo ar y lleisiau nad yw'r byd yn eu clywed.

Helpa ni i sefyll yn ymyl pawb sydd ymhell o adref, ac sy'n teimlo bod gobaith yn bell i ffwrdd. Cryfha ein calonnau a'n meddyliau wrth inni weithio dros ddyfodiad dy deyrnas, gyda'r sicrwydd bod dy oleuni di'n llewyrchu yn y tywyllwch ac na fydd y tywyllwch fyth yn ei ddiffodd.